



Republika e Kosovës
Republika Kosovo - Republic of Kosovo
Kuvendi - Skupština - Assembly

Legjislatura VIII
Sesioni pranveror

Kryesia e Kuvendit

P-017
Prishtinë, më 3 gusht 2021, në orën 14:00
Ndërtesa e Kuvendit, salla C-301

PROCESVERBAL

I MBLEDHJES SË KRYESISË SË KUVENDIT, E MBAJTUR MË 3 GUSHT 2021

Në mbledhje morën pjesë: Glauk Konjufca, kryetar i Kuvendit; Saranda Bogujevci, Sllavko Simiq dhe Bekim Arifi, nënkryetarë të Kuvendit.

Nga grupet parlamentare në mbledhje morën pjesë: Mimoza Kusari-Lila, Abelard Tahiri, Hykmete Bajrami, Time Kadrijaj dhe Erxhan Galushi.

Në mbledhje ishin të pranishëm: Sekretari i Përgjithshëm i Kuvendit, Ismet Krasniqi, si dhe stafi përgjegjës në mbështetje të Kryesisë së Kuvendit.

Mbledhjen e drejtoi Glauk Konjufca, kryetar i Kuvendit.

Me propozim të kryetarit, Kryesia e plotësoi rendin e ditës me pikën: Rekomandimi i Komisionit të Posaçëm për përzgjedhjen e dy (2) kandidatëve për gjyqtarë në Gjykatën Kushtetuese.

Pastaj, me propozimin e kryetarit, Kryesia i zhvilloi punimet me këtë:

Rend dite

1. Miratimi i procesverbalit të mbledhjes së mëparshme të Kryesisë së Kuvendit,
2. Pikat e papërfunduara nga seanca plenare, e mbajtur më 16, 19, 21 dhe 28 korrik 2021,
3. Pika e papërfunduar nga seanca plenare, e mbajtur më 22 dhe 28 korrik 2021,
4. Përgatitjet për seancë të re plenare.

- **Rekomandimi i Komisionit të Posaçëm për përzgjedhjen e dy (2) kandidatëve për gjyqtarë në Gjykatën Kushtetuese**

Në lidhje me Rekomandimin e lartshënuar, kryetari tha se për procedimin e tij në seancë plenare duhet të arrihet një konsensus mes grupeve parlamentare, me qëllim që të mos dështojë propozimi i dy (2) kandidatëve për gjyqtarë në Gjykatën Kushtetuese, diskutimi i të cilit i plotë është dhënë në transkript.

Në lidhje me procedimin e rekomandimit të lartshënuar, diskutuan: kryetari i GP të PDK-së, Abelard Tahiri; kryetarja e GP të LVV-së, Mimoza Kusar-Lila; përfaqësuesja e GP të LDK-së, Hykmete Bajrami; përfaqësuesja e GP të AAK-së, Time Kadrijaj dhe përfaqësuesi i GP “Multietnik”, Erxhan Galushi, diskutimet e të cilëve janë dhënë në transkript.

Pas diskutimeve të lartshënuara, me pajtimin e përfaqësuesve të grupeve parlamentare, Kryesia vendosi që procedimi i propozimit të dy (2) kandidatëve për gjyqtarë në Gjykatën Kushtetuese të shtyhet për Sesionin vjeshtor të punimeve të Kuvendit.

1. Miratimi i procesverbalit të mbledhjes së mëparshme të Kryesisë së Kuvendit

Kryesia e miratoi pa vërejtje procesverbalin e mbledhjes së Kryesisë së Kuvendit, e mbajtur më 27 korrik 2021.

2. Pikat e papërfunduara nga seanca plenare, e mbajtur më 16, 19, 21 dhe 28 korrik 2021

Kryesia, pasi diskutoi për pikat e papërfunduara të seancës plenare të lartshënuar, vendosi që vazhdimi i saj të mbahet të premtën, më 6 gusht 2021, në orën 11:00, me këtë:

Rend dite

- 4. Votimi i Projektligjit nr.08/L-006 për ratifikimin e amendamentimit të Marrëveshjes ndërkombëtare me Bankën Evropiane për Investime (BEI), për financimin e Projektit për rehabilitimin e linjës hekurudhore 10,*
- 5. Votimi i Projektligjit nr. 08/L-019 për amendamentimin 02 të Marrëveshjes bilaterale ndërmjet Qeverisë së Republikës së Kosovës dhe Qeverisë së Dukatës së Madhe të Luksemburgut për Projektin e bashkëpunimit për zhvillim “KSV/017: Programi për mbështetje shëndetësore (pjesa II),*
- 6. Votimi i Projektligjit nr. 08/L-008 për ratifikimin e Marrëveshjes së bashkëpunimit ndërmjet Ministrisë së Arsimit, Shkencës, Teknologjisë dhe Inovacionit dhe Agjencisë Austriake për Zhvillim për zbatimin e Projektit “Hulumtimi dhe shkencat e aplikuara në arsimin e lartë + (HERAS+) (ada numri referues 8116-00-2020)”,*
- 7. Votimi i Projektligjit nr. 08/L-009 për ratifikimin e amendamentimit nr.1 të Marrëveshjes kornizë së kredisë të datës 14 gusht 2020 ndërmjet Republikës së Kosovës, e përfaqësuar nga Ministria e Financave, Punës dhe Transfereve, dhe Bankës Zhvillimore të Këshillit të Evropës për financimin e projektit “Reagimi Emergjent ndaj COVID-19”,*
- 11. Votimi i kërkesës së Komisionit për Bujqësi, Pylltari, Zhvillim Rural, Mjedis, Planifikim Hapësinor dhe Infrastrukturë për ndryshimin e emërimit të këtij komisioni,*
- 13. Propozim-rezoluta nga debati parlamentar për zbatimin e Marrëveshjes së Uashingtonit,*
- 14. Propozimi i Grupit Parlamentar të Lidhjes Demokratike të Kosovës për zëvendësimin e anëtarit në komision parlamentar,*
- 15. Votimi i raportit vjetor të Agjencisë për Ndihmë Juridike Falas për vitin 2020.*

3. Pika e papërfunduar nga seanca plenare, e mbajtur më 22 dhe 28 korrik 2021

Kryesia, pasi diskutoi për pikën e papërfunduar të seancës plenare të lartshënuar, vendosi që vazhdimi i kësaj seance plenare të shtyhet, për të pritur një interpretim nga Komisioni për Legjislacion, Mandate, Imunitete, Rregulloren e Kuvendit dhe mbikëqyrjen e Agjencisë kundër Korrupsionit, në lidhje me rekomandimet e Komisionit për Mbikëqyrjen e Financave Publike lidhur me raportin e auditimit të pasqyrave vjetore financiare të N.P. Hortikultura për vitin 2020.

4. Përgatitjet për seancë të re plenare

Kryesia, pasi i shqyrtoi përgatitjet e nevojshme, vendosi që seanca plenare e radhës e Kuvendit të Republikës së Kosovës të mbahet të premten, më 6 gusht 2021, në orën 12:00, me këtë:

Rend dite

- 1. Deklarimet jashtë rendit të ditës,*
- 2. Pyetjet parlamentare,*
- 3. Miratimi i procesverbalit nga seanca e mëparshme,*
- 4. Shqyrtimi i parë i Projektligjit nr. 08/L-025 për mbrojtjen e ajrit nga ndotja,*
- 5. Shqyrtimi i parë i Projektligjit nr. 08/L-027 për mbeturinat nga industrinë nxjerrëse të mineraleve,*
- 6. Shqyrtimi i Propozim-vendimit të Qeverisë së Republikës së Kosovës për emërimin e drejtorëve të Bordit të Agjencisë Kosovare të Privatizimit.*

* * *

Me propozim të kryetarit, Kryesia vendosi që në rendin e ditës të seancës plenare të radhitet edhe pika e lartshënuar me nr. 6, pasi që është ngarkuar Komisioni funksional për shqyrtimin e Propozim-vendimit të Qeverisë, i cili do ta paraqesë edhe raportin me rekomandime.

* * *

Në vazhdim, Kryesia e shqyrtoi edhe këtë pikë shtesë:

- 1. Rekomandimi i Komisionit Ad-hoc për shpalljen e konkursit për anëtarë të Bordit për Ankesa të Mediave*

Kryesia, me rekomandim të Komisionit Ad-hoc të lartshënuar, mori këtë:

V E N D I M

1. Të shpallet konkursi publik për zgjedhjen e një (1) anëtari të Bordit për Ankesa të Mediave.
2. Ngarkohet Administrata e Kuvendit që, në bazë të dispozitave të Ligjit nr. 04/L-44 për Komisionin e Pavarur të Mediave, më 23 gusht 2021 ta publikojë konkursin publik nga pika një (1) e këtij vendimi.

* * *

Në fund, Kryesia diskutoi edhe për përfundimin e Sesionit pranveror të punimeve të Kuvendit, për të cilin kryetari tha se mund të jetë data 6 ose 12 gusht 2021, diskutimi i të cilit është dhënë në transkript.

* * *

Kryetari e mbylli mbledhjen e Kryesisë në orën 15:28 minuta.

Glauk KONJUFCA

Kryetar i Kuvendit

Procesverbalin e hartoi:

Drejtorja për Çështje Plenare dhe Procedurale